

Кивок апак юкстак, мезевок апак юкстак

ЁТАФ ВОЙНАТЬ ВАЙГЯЛЬКСОЦ

22 сентябрьста Ленинградский областень Всевожская районень Дубровская ошень поселениянь «Теплобетонная» машина кинь платформаса етась торжественно-траурнай пуромкс Великой Отечественной войнань кизотнень Ленинградть видеса бойса и блокадасть валхтомста шавф воиттнень лятксон калмасон коряс.

Пуромксь кочказень зряфкушфнень и оттнень. Састь ломатть марнек Россияста, маластонь омба масторста. Лятксонь калмамаса примасть участия Санкт-Петербургонь мокшэрзятне.

2013 кизонь майста, Мьяломнь Всероссийский Вахтатъ этафтомста, Дубровкать эзда колма вайгяльбень вастса «Теплобетонная» машина кинь платформат районца муфоль Великой Отечественной войнань воинонь братский оцю захоронения.

Войнань кизотнень тяниень пингонь Дубровская ошень поселениясь сувсесь Невский плацдармти, коста 1941-1944 кизотнень Нева лятьте ланга этафтовсть войскадне и техникась—легендарнай Невский «пяточоксь», штоба валхтомс блокадасть. Ся территорияти, коса ащесть воинский частъне, медсанбаттне и коста мольсть бойс Родинасть инкса солдатт, шинек-венек тоннань пярсь металл, тьяса шавовсть сядот тежянь воин. Паксятъ лангс лядсь Мордовиянь лама уроженец. Справка вастса аза, што Мордовиянь кота цератненди Ленинградть оборонанц инкса максфоль Советский Союзонь Героень лем.

Мумс военной калмотнень лездсь военной действиянь картась, кона аноклафоль «Искра» наступательнай операциять этафтомста 1943 кизонь январьста Ленинградть блокаданц валхтомста. Тя картатъ лангса няфтьфт воинский захоронениятне, конат эвондасть бойть пингста противникть толонц ала. Поисковой группати Сергей Мельниченко, Невский Дубровкань зряйтъ вятманц вельде удалась мумс захоронения, кона ащи кафта ровста—квалмос 25-30 метра. Марстонь лятксонень лувксона—1625 воин. Поисковикне мусть 263 шавомань медальон, удалась содамс 88 шавф солдатон лем личнай вещань, медальонц коре, куцю лангс гравировкатнень коряс. Этафтовсь оцю работа раднясон вешемасон инкса.

Шавомань медальонц коре поисковикне музь и минь земляконьконь, Мордовияса шачфть А.А.Гостяевонь. Бланктъ лангса серматфоль: Анатолий Антонович Гостяев шачсь 1923 кизоня Мордовская АССР-нь Саранский районень Грибодовский велень Советонь Ивановка велеса. Призывонь шись и вастсь—14.03.1942 к. Саранский РВК-сь, Мордовский АССР-сь, Саранский районць, рядовой. Тумань датась—1942 кизонь августсь. Медальонть бланкаса «Семьянь адрессь» графаса луво-ви: Татьяна Дмитриевна Гостяева. Крестьянская улцьцась—64.

Санкт-Петербургса и Ленинградский областьса мокшэрзянь культуратъ ширенц кирдеманц и вияфтоманц коряс «Шумбрат» НО-сь (фондсь) панжада сермаса зняльдысь «Известия Мордовии» газе-

тань редакцияти печатлам Невский плацдармса шавф Мордовиянь воиттнень-уроженецнень спискасон. Нинге зняльдысь вешемс А.А.Гостяевонь раднязон. Улема, синь и усколезь останкатнень родинав. И лия инстанциятненди серматкшнемс. Тянемс аш кашт молема. Сяс Советский Союзонь лия ошнень эзда састь шавф солдаттнень раднясна. Санкт-Петербургса офицеронь кудса поисковикне максозь теест шавомань медальоттнень, личнай вещатнень, мяштень значокнень, медальхнень и стак тов. Бело-



Шавфнень останкаснень вешендемста ванондови эрь сантиметра модась

руссиясь тьяста сядта мала Мордовиять коряс. Ламоц траурнай пуромксонь участникне, лувомок лазкснень лангста тьяштфнень кизефтьезь: мес фкя лазкссь нюрхкяня? Аф стандартнайкс тифоль войнаса шавфть раднязон зняльдемасон коряс, штоба сядта теждя улель прважамс Белоруссияв.

Лиясь пеедзсь-сингорязь кизефтьезь: «А мес, солдатти Белоруссияса ули сядта пара?» Солдатти аф содаса, а тейнек, шисотненди, шавфть раднязонды, ули сетьме, теждя ваймоса.

Монь кизефнемань инь зряфкушусь поисковикнень эзда Анатолий Кушнер: «Мезе тоса Мордовиясь, кашт аф моли Гостяевонь квалма?» Отвечань: «Кашт аф моли». Сон нльне Разметелевав гайфнесь, а Разметелевский мокшэрзятне тага лисендсть тейне.

Калмасть Санкт-Петербургонь мокшэрзятне кода эряви. Кота цератне землячествань лидерть Сергей Артемовонь мархта сязозь А.Гостяевонь лятксонзон мархта лазксть лафтусон лангс, лаподемок лангозонза мокшэрзянь флаг, почесть мархта кандозь кели кружева и нолдазь калмоти.



Александра Палаева (кержи ширде) шачемас коре Ковылкинский районень Дракина велеста и Анастасия Кузнецова тьяка жа районень Од Пшень велеста, В.Родькин

Сяльде путозь, мялезень коряс, инь мазы российский трекор мархта венокть. Лента-нянтнень лангса серматфоль: «Шумбрат» фондть эзда» и омбоцеса: «Вечная слава Мордовиянь уроженецненди—

конодательнай Собраниянь депутаттне. Поселкань администрациясь азсь лямбе валхт мокшэрзянь землячествати траурнай пуромкса участиянь примаманкса. Мокшэрзятне диаспорань четтне азсть спасибо С.П.Артемовонди аф анычек кода «Шумбрат» фондть президентонцты, кона аноклазе васедемат, но и кода спонсоронди. Тя пингть гармонистонь группась, конанди художественнай руководителькс Иван Мучкин, (сон шачемас коре Zubovo-Polyanasta), военнай кизонь гимнастеркаса шавфста морасть военно-патриотический морот. Мекольце моротъ кой-кона валонза тянемс шарондыхть прысон: «Кати атям мархта ендол, кати этаф войнань вайгялькс».



Валентина Бобровась виденцы шавомань медальонца серматф кагод пакикать



Венокть—шавф воиттнень калмалангозост



Великой Отечественной войнань шавфнень лемс службаи панихида

шянь ямсон мархта шратнень, етасть шра ваксозонк. Малаткшнесть ваксозонк и Ленинградский областень За-

Мордовиянь Сире Шайгав велеса шачфсь В.РОДЬКИН. Невская Дубровка, Санкт-Петербург.